

Sistemas lineais

- **Ecuación lineal:** ecuación na que só aparecen produtos das incógnitas por números e sumas deses produtos.
- **Sistemas lineais:** sistema de ecuacións formado por ecuacións lineais. Sistema lineal de n ecuacións e m incógnitas:

$$\left. \begin{array}{l} a_{11}x_1 + a_{12}x_2 + \dots + a_{1m}x_m = b_1 \\ a_{21}x_1 + a_{22}x_2 + \dots + a_{2m}x_m = b_2 \\ \dots\dots\dots \\ a_{n1}x_1 + a_{n2}x_2 + \dots + a_{nm}x_m = b_n \end{array} \right\} \begin{array}{l} \text{Matriz dos coeficientes} \\ A = \begin{pmatrix} a_{11} & \dots & a_{1m} \\ \dots & \dots & \dots \\ a_{n1} & \dots & a_{nm} \end{pmatrix} \end{array} \quad \begin{array}{l} \text{Matriz ampliada} \\ M = \begin{pmatrix} a_{11} & \dots & a_{1m} & b_1 \\ \dots & \dots & \dots & \dots \\ a_{n1} & \dots & a_{nm} & b_n \end{pmatrix} \end{array}$$

- **Sistemas equivalentes:** cando teñen o mesmo conxunto de solucións.
- **Sistemas homoxéneos:** sistema de ecuacións lineais cos termos independentes 0:

$$\left. \begin{array}{l} a_{11}x_1 + a_{12}x_2 + \dots + a_{1m}x_m = 0 \\ a_{21}x_1 + a_{22}x_2 + \dots + a_{2m}x_m = 0 \\ \dots\dots\dots \\ a_{n1}x_1 + a_{n2}x_2 + \dots + a_{nm}x_m = 0 \end{array} \right\} \begin{array}{l} \text{Os sistemas homoxéneos sempre teñen, polo} \\ \text{menos a solución que fai tódalas incógnitas 0.} \end{array}$$

Tipos de sistemas lineais segundo as solucións

Atendendo a se ten solución e ao número de solucións, un sistema de ecuacións lineais pode ser:

- **Compatible:** ten solución.
 - **Determinado:** ten unha única solución.
 - **Indeterminado:** ten moitas solucións.
- **Incompatible:** non ten solución.

Teorema de Rouché-Frobenius

Un sistema de ecuacións lineais ten solución se, e só se, o rango da matriz dos coeficientes é igual ao da matriz ampliada.

Ademais, se os rangos son iguais ao número de incógnitas, o sistema é determinado.

Temos as seguintes posibilidades:

- **rang(A)=rang(M):** Sistema compatible
 - **rang(A)=rang(M)=nº de incógnitas:** Determinado
 - **rang(A)=rang(M)≠nº de incógnitas:** Indeterminado
- **rang(A)≠rang(M):** Sistema incompatible

Regra de Cramer

Un sistema lineal de n ecuacións e n incógnitas ten solución única se e só se o determinante da matriz do sistema non é 0.

$$\left[\begin{array}{l} a_{11}x_1 + \dots + a_{1n}x_n = b_1 \\ \dots\dots\dots \\ a_{n1}x_1 + \dots + a_{nn}x_n = b_n \end{array} \right\} \begin{array}{l} \text{compatible} \\ \text{determinado} \end{array} \Leftrightarrow [\det(A) \neq 0] \text{ e as solucións son: } x_k = \frac{\begin{vmatrix} a_{11} & \dots & \overline{b_1} & \dots & a_{1n} \\ \dots & \dots & \dots & \dots & \dots \\ a_{n1} & \dots & b_n & \dots & a_{nn} \end{vmatrix}}{\det(A)}$$